



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

3. Quomodò non debemus concupiscere domum proximi.

urn:nbn:de:hbz:466:1-29452

ficatio & redemptio, 1. Corinth. 1. Ideò Deus dicit:
Non concupisces: nempè vt vel sic agnoscas concu-
piscenciam esse peccatum.

Tertiò, in hoc præcepto per domum proximi, non
solum ædificium est intelligendum, sed tota res do-
mestica, & quicquid ad hanc pertinet. Est igitur hæc
sententia, Noli concupiscere, vt libenter velis esse
quod proxim⁹ tuus est, vel in tali statu, familia, splen-
dore, diuitijs, potestate, honore, titulo, officio & sum-
ptuositate, &cæt. Sed quod sis, esse velis, iuxta genti-
lem poetam, & forte tua contentus esto. Deus habet
varia dona, & distribuit cuique prout vult, Roma. 12.
quare dono suo vnusquisq; debet contentus esse, suo
honore, statu, bonis, & cogitare quomodo Deo gra-
tias agat pro eo quod habet, vt suo statui & officio sa-
tisfaciat, & placeat Deo, & hoc Deus mandato suo
precepit, ne aliena concupiscamus, nõ proximi splen-
didam domum, amplos hortos, agros, pascua, vineas,
nec ea p fas & nefas ad nos trahamus, maximè quan-
do videmus proximum laborare ære alieno aut ino-
pia, tunc circumuenimus eum, & bona illius cum ei-
us detrimento & vili precio nostra efficimus. Quin
hoc potiùs studere debemus, vt proximus noster ma-
neat in sua possessione, diuitijs, statu & honore, mu-
tuam illi dantes, & nihil vsuræ indè sperantes, vt Chri-
stus nos docet Matth. quinto. Ideò qui sic proximum
suum in tempore necessitatis suæ circumuenit, licet
iuste & rectè emat vel ad se redigat eius bona, non
tamen erit sine peccato, quia Deus dicit, Non con-
cupisces domum proximi tui. Videant ergò hic vsu-
rarij diuites, qui omnem substantiam proximi sui
exigunt: grauitè etiam peccant lusores, qui per va-
rias practicas pecunijs proximi insidiantur. Qui-
cunque igitur pauperem vel diuitem in necessitate,
fraude vel dolo decipit, ac minori precio bona eius
ad se trahit, id quod (proh dolor) iam commune
S 3 est in

est in mundo, grauiſſimè contra Dei præceptum peccat, &c. Est enim, inquit Gerson, grandis tēratio boli, qua facit vt homo alterius concupiscat statum, domum, officium. religiosi volunt statum habere, & secularis religiosorum &c. Nemo concupiscat rem proximi sui: quia quilibet peret naturaliter manere in sua domo, suo statu & officio, ideò & hoc faueas proximo tuo. Sic Christus Ioan. 21 dixit, tu me sequere. quid ad te Ioannes, quid faciam cum Petro? Quare quisque ambulare debeat secundum vocationem suam, 1. Corint. 7.

DECIMUM DEI PRÆCEPTUM, Non concupisces vxorem proximi tui.

CAPVT XXIII.
ARGVMENTA.

1. *Quid hoc præcepto Deus præcipit & exigit a nobis.*
2. *Quomodo transgressores huius præcepti puniuntur.*
3. *Quòd serui & ancilla non debent credere male detractoribus, & qui eos alienare vult à suis dominis: nam & Deus illos punit.*

1.



Quoniam Deus omnia creauit, & illa sunt cœlum & terra, & omnia quae in eis sunt, Psalm. 145. ipse enim verus Dominus: Deinde quoniam ipse distribuit suum, id est, bona & diuitias, proinde ipse vult. Si enim Matth. decimo dicitur murmurantibus, Nonne mihi licet facere de meo, quod vult?